

AUGLÝSING

um skráningu íslensku krónunnar gagnvart erlendum gjaldmiðlum.

Með heimild í 18. gr. laga nr. 36/1986 um Seðlabanka Íslands um markaðssetningu íslensku krónunnar og erlends gjaldeyris staðfestist að gengisvog krónunnar er nú í eftirtöldum hlutföllum:

Bandaríkin	USD	24,09
Bretland	GBP	13,39
Kanada	CAD	1,37
Danmörk	DKK	9,16
Noregur	NOK	8,26
Svíþjóð	SEK	3,85
Finnland	FIM	1,22
Frakkland	FRF	4,61
Belgía	BEF	1,46
Sviss	CHF	2,35
Holland	NLG	4,53
Þýskaland	DEM	13,83
Ítalía	ITL	2,10
Portúgal	PTE	1,37
Spánn	ESP	3,02
Japan	JPY	5,39
Alls		100,00

Reykjavík, 29. júní 1998.

Seðlabanki Íslands,

Birgir Ísl. Gunnarsson.

Sveinbjörn Hafliðason.

Nr. 387

25. júní 1998

REGLUGERÐ

um breytingu á reglugerð nr. 281/1997, fyrir Lífeyrissjóð Verkfræðingafélags Íslands.

1. gr.

Grein 1.1 orðast svo:

Sjóðurinn heitir Lífeyrissjóður verkfræðinga. Heimili hans og varnarþing er í Reykjavík.

2. gr.

Grein 4.1 orðast svo:

Iðgjöld sjóðfélaga skulu vera 10% af heildarlaunum, sbr. 1. mgr. 3. gr. laga nr. 129/1997. Iðgjaldsstofn sjóðfélaga vegna vinnu hans við eigin atvinnurekstur eða sjálfstæða starfsemi skal vera jafn hár fjárhæð reiknaðs endurgjalds skv. viðmiðunarreglum ríkisskattstjóra hverju sinni. Iðgjöld skulu þó aldrei vera lægri en skv. iðgjaldatöflu sjóðsins en sjóðurinn gefur út iðgjaldatöflu með hæfilega mörgum iðgjaldaflokkum. Í undantekningartilfellum er stjórn sjóðsins heimilt að samþykkja lægri iðgjöld, enda mæli sérstakar ástæður með því.

3. gr.

Grein 4.3 orðast svo:

Lífeyrisiðgjald skal greitt reglulega í hverjum mánuði og er gjalddagi hvers iðgjaldamánaðar tíundi dagur næsta mánaðar á eftir. Eindagi er síðasti dagur sama mánaðar og iðgjald fellur í gjalddaga. Sé greitt eftir eindaga skal innheimta vanskilavexti á vangreidd iðgjöld frá gjalddaga til greiðsludags samkvæmt ákv. III. kafla vaxtalaga nr. 25/1987.

4. gr.

Grein 5.2 orðast svo:

Til kaupa á skuldabréfum tryggðum með veði í fasteignum. Upphæð skuldabréfs ásamt réttþærri veðböndum má ekki vera meiri en 65% af brunabótamati fasteignar eða metnu markaðsvirði sé það álitíð lægra. Þegar um er að ræða sérhæft atvinnuhúsnæði skal hámark þetta vera 35%.

5. gr.

Grein 5.7 orðast svo:

Í traustum erlendum verðbréfum og hlutabréfum, sem skráð eru á opinberum verðbréfa-mörkuðum í aðildarríkjum Efnahags- og framfarastofnunarinnar í París. Hlutfall erlendra eigna fari þó ekki umfram 40% af hreinni eign til greiðslu lífeyris.

6. gr.

Grein 7.6 orðast svo:

Sjóðfélagi, sem hætt hefur reglubundnum iðgjaldagreiðslum í sjóðinn, af öðrum orsökum en veikindum, skal ekki reikna örorkulífeyri af lífeyrisrétti vegna iðgjalda fyrir ókominn tíma. Megi rekja orkutap til ofnotkunar áfengis, lyfja eða fíkniefna á sjóðfélagi ekki rétt á framreikningi. Örorkulífeyrir hans reiknast aðeins af þeim lífeyrisrétti, sem hann hefur þegar áunnið sér sbr. grein 11.3. Nú hætta iðgjöld að berast vegna sjóðfélaga án þess að sjóðstjórnin fái á því skýringu þrátt fyrir tilraunir til innheimtu iðgjalda og skal þá stjórn sjóðsins ákvarða örorkulífeyrisréttindi hans á sama hátt og segir í fyrsta málslíð þessarar greinar.

7. gr.

Grein 8.5 orðast svo:

Lífeyrissjóðurinn skal greiða makalífeyri til maka látins sjóðfélaga, sem greitt hafði iðgjöld til sjóðsins, eða sem naut elli- eða örorkulífeyris úr sjóðnum. Greiða skal makalífeyri í að minnsta kosti 24 mánuði eftir andlát sjóðfélaga samkvæmt grein 8.4.

Síðan skal greiða fullan makalífeyri sé eitthvert skilyrði a) - c) uppfyllt:

- Maki sjóðfélaga sé fæddur fyrir 1940. Þó skal makalífeyrir skerðast um 10% fyrir hvert ár sem hann er fæddur eftir 1. janúar 1930.
- Makinn hafi á framfæri sínu barn yngra en 19 ára (sbr. gr. 9.1).
- Maki sjóðfélagens sé að minnsta kosti 50% öryrki og tekjuöflunarhæfni hans verulega skert.

Réttur skv. c) líð skapast ef maki er öryrki við lát sjóðfélaga og ef maki látins sjóðfélaga verður öryrki á meðan hann er á bótum.

Þegar makalífeyrir er úrskurðaður skal velja það ofangreindra skilyrði sem maka er hagstæðast.

Við 67 ára aldur maka látins sjóðfélaga öðlast hann á ný rétt til makalífeyris, enda hafi makalífeyrir fallið niður áður og makinn ekki gengið í hjónaband á ný. Makalífeyrir skal þá vera 60% af áunnum ellilífeyrisrétti hins látna. Með sama hætti ákvarðast lífeyrir þeirra sem fæddir eru fyrir 1940 og eru 67 ára eða eldri sé það maka hagstæðara. Heimilt skal maka að fresta töku makalífeyris skv. þeim reglum sem kveðið er á um í grein 6.3.

8. gr.

Grein 9.2 orðast svo:

Ef barnið á foreldri, kjörforeldri eða fósturforeldri á lífi, sem sér um framfærslu þess, er lífeyrir þess 15% af þeim örorkulífeyri, sem hinn látni sjóðfélagi hefði hlotið, ef hann hefði orðið 75% öryrki á dánardægri. Sé hinn látni ellilífeyrisþegi er lífeyrir barnsins 15% af ellilífeyri hans. Fullur barnalífeyrir skal að lágmarki vera 5.500 kr. á mánuði með hverju barni örorkulífeyrisþega. Við andlát sjóðfélaga skal barnalífeyrir að lágmarki vera 7.500 kr. með hverju barni. Upphæðir þessar skulu breytast árlega í hlutfalli við breytingu á vísitölu neysluserðs miðað við grunnvísitölu 173,5 stig.

9. gr.

Grein 11.3 orðast svo:

Þegar sjóðfélagi, sem hefur hætt iðgjaldagreiðslum áður en hann varð 65 ára og á ekki rétt á örorkulífeyri, flytur ekki iðgjöld sín í annan lífeyrissjóð, ákvarðast lífeyrisréttindi hans þannig:

Ellilífeyrisréttur hans er sá, sem hann hefur þegar öðlast skv. 6. grein. Hámark örorkulífeyrisréttar er jafnt ellilífeyrisréttinum. Maka- og barnalífeyrir reiknast af ellilífeyrisréttinum sbr. þó að teknu tilliti til lágmarksfjárhæða í grein 9.2.

10. gr.

Grein 13.1 orðast svo:

Vilji sjóðfélagi, eða lífeyrisréttthafi, sem ekki er sjóðfélagi, ekki hlíta úrskurði sjóðstjórnar um eitthvert atriði varðandi sjóðinn, getur hann lagt málið fyrir gerðardóm. Hann skal þá tilkynna sjóðstjórninni það innan fjögurra vikna frá því hann fær tilkynningu um úrskurð hennar. Jafnframt skal hann tilnefna gerðardómsmann af sinni hálfu. Sjóðstjórninni ber þá að tilnefna annan gerðardómsmann innan tveggja vikna. Þeir velja síðan oddamann, en geti þeir ekki komið sér saman um oddamanninn, skal hann tilnefndur af héraðsdómi Reykjavíkur. Úrskurður gerðardómsins er bindandi fyrir báða aðila og verður ekki lagður fyrir aðra dómstóla. Málskostnaði skal skipt á milli málsaðila eftir mati dómsins, en þó skal sjóðfélagi eða lífeyrisréttthafi ekki greiða meira en 1/3 hluta málskostnaðar. Um málsmeðferð fyrir gerðardómnum fer samkvæmt lögum um samningsbundna gerðardóma.

11. gr.

Grein 16.5 orðast svo:

Sjóðstjórnin skal fá tryggingafræðing til að reikna út fjárhag sjóðsins á hverju ári. Hann skal semja skýrslu um athugunina og gera upp efnahagsreikning sjóðsins á grundvelli útreikninga sinna. Sýni uppgjórið hagnað, skal honum varið til hlutfallslegrar hækkunar á lífeyrisréttindum sjóðfélaganna eftir tillögum tryggingafræðingsins. Þó getur aðalfundur ákveðið að leggja hann eða hluta hans í varasjóð. Sýni uppgjórið halla, sem ekki verður greiddur úr varasjóði, ber að lækka lífeyrisréttindin hlutfallslega.

12. gr.

Reglugerð þessi öðlast þegar gildi.

Með tilvísun til laga nr. 55/1980 staðfestist reglugerðarbreyting þessi hér með.

Fjármálaráðuneytinu, 25. júní 1998.

F. h. r.
Áslaug Guðjónsdóttir.

Margrét Gunnlaugsdóttir.